

մնացած ժողովուրդների ընտանիքից: Եւ այդ՝ կնոջ դիրքն է, նրա ինքնուրոյնութիւնը եւ իրաւահասարակութիւնը, նրա բարձր յարգը հայերի մէջ:

«Դրա մէջ է, իմ կարծիքով, ասում է Հաքստհաուզէն, հայերի կոչումը դէպի մարդկային աւելի բարձր մշակոյթ, ինչպէս եւ հայերի հոգեկան շատ բարձր կարողութիւնների մէջ է նրանց ապագան: Այդ է, որ հայերին դարձնում է միջնորդ եւ շարժապող տարր՝ Եւրոպայի ու Ասիայի միջեւ»:

Հայ ժողովուրդին, հակառակ նրա «ձեռմասի ցրուածութեանը ամբողջ Ասիայում եւ Եւրոպայի ու Աֆրիկայի մեծ(?) մասերում», հակառակ որ նրա «մի շնչին մասն է միայն ապրում իր հայրենքում», բնաւ չէ պակասում սէրը դէպի ազգը, հայրենիքը, լեզուն, կրօնը եւ սովորութիւնները: Ընդհակառակը, այդ ամենի հետ հայերը կապուած են «ամենամեծ հաւատարմութեամբ» (Ա. 291). նրանց յատուկ է «մի՛ արտակարգօրէն ուժեղ ազգային ներքին կապ» (Ա. 198):

Այդ տեսակէտից Հաքստհաուզէն վեր է հանում հայ եկեղեցու եւ յատկապէս էջմիածնի մեծ նշանակութիւնը:

«Եթէ Ռուսաստանը ճիշդ է ըմբռնել իր պատմական առաքելութիւնը, ասում է Հաքստհաուզէն, հայերին պիտի տայ ա՛յն, որի ներքին մղումն ունին նրանք երկար ժամանակից ի վեր — մտաւոր կրթութիւն»:

Այդտեղ Հաքստհաուզէն մի զգուշացման խօսք է ուղղում Ռուսաստանին: Վերջինս չպիտի խանութի հայերի կրթական-ներքին գործերին՝ վարելու, կառավարելու նպատակով: Հայերը պէտք չունին ռուսական կրթութեան, մանաւանդ այն կրթութեան, որ ռուս պաշտօնեաներին է տրուում: «Հայերը կարիք ունին մի կրթութեան, որ ներսից պիտի դայ եւ ազգային հիմքի վրայ կառուցուի»:

Դրա համար Հաքստհաուզէն անհրաժեշտ է համարում, որ նախ հոգեւորականները ձեռք բերեն պահանջուած կրթութիւնը: Դրան զուգընթաց առաջ պիտի տարուի եւ աշխարհիկ կրթութիւնը: Դրա համար նպատակայարմար է համարում Հաքստհաուզէն, որ 10-12 տարեկան հայ պատանիներ բերուին Գերմանիա, այդտեղի միջնակարգ դպրոցներում եւ հա-

մալարաններում 10-12 տարի ուսում ու կրթութիւն ստանան, եւ՝ գիտութեան պաշար ամբարած՝ Հայաստան վերադառնան, ուսուցչութիւն անեն:

* * *

Այժմ տեսնենք, թէ Հայաստանից դուրս՝ Վրաստանում եւ Արեւել. Անդրկովկասում ապրող հայերը ընկերային տեսակէտից ի՞նչ պատկեր էին ներկայացնում:

Թիֆլիսի քաղքենի դասակարգը կամ այսպէս կոչուած «մոքալաքի»ները, տեսանք, դրեթէ բացառապէս հայեր էին, ինչպէս նաեւ «ազատ գիւղացիներին» ճշող մեծամասնութիւնը:

Պատկերը անշուշտ տարբեր չէ եղել նաեւ Վրաստանի միւս քաղաքներում: Ուրիշ խօսքով, «Վրաստանի քաղաքների վաճառական դասակարգը եւ մասամբ էլ արհեստաւորները հայեր են եղած: Դեռ այժմ էլ մի զգալի չափով պահուած է այդ պատկերը: Միւս կողմից, քարտերի մէջ եւս եղել են հայեր:

Թիֆլիսի մասին հետեւեալ մանրամասներն է հաղորդում Հաքստհաուզէն.

«Վրացիները մասամբ բաւական ստուարաթիւ ազնուականներ են, մասամբ՝ այգեպաններ, մի մասով էլ՝ մեծաթիւ աղքատներ ու մուրացիկներ: Թաքարները արհեստաւորներ են՝ դարբին, թամբազորձ, ինչպէս նաեւ՝ երկրագործ: Դրեթէ բոլոր հայերը վաճառականներ են: Հայերը գործունեայ են, աշխատասէր եւ շահադէտ (speculative): Նրանք աստիճանաբար ձեռք են բերում ծոյլ, անգործունեայ վրացիների ողջ սեփականութիւնը գնելով, կապալով վերցնելով, գրաւառնելով, եւայլն: Դրա համար էլ նրանք ատուած են»:

Հաքստհաուզէն նկարագրում է իր ժամանակակից Թիֆլիսի համբարութիւնները կամ արհեստաւորական կազմակերպութիւնները (Ա. 111 շար.): Նա նրանց նմանեցնում է Գերմանիայի միջնադարեան Համանման կազմակերպութիւններին: Վրաստանի համբարութիւնները Հաքստհաուզէն Պարսկաստանից ծագած է համարում:

«Ամէն մի արհեստաւորութիւն, ասում է նա, մինչեւ իսկ բեռնակիրները, օրավարձով աշխատողները, հաւ ծախողները կազմում են